

Dienelkander



Nuusbrief van die Gereformeerde Kerk Potchefstroom-Oos

15 September 2013

OGGENDDIENS: Ds Piet

Ons is baie bly en dankbaar om ons fokustydperk vanmore af te sluit deur saam Nagmaal te vier. Alle lidmate van ander gemeentes wat aansoek gedoen het om saam met ons die Nagmaal te vier, word ook hartlik daartoe uitgenooi.

Skriflesing: Efesiërs 4: 1 - 16

Teks: Efesiërs 4: 1 - 3, 7 en 16

Tema: Behou eenheid en gebruik verskeidenheid om ons gemeente te bou.

Ons laaste fokusweek se tema was: onderlinge verbondenheid/meelewing. Die woord "verbondenheid" dui op die diep en sterk band wat God die Heilige Gees tussen mense in 'n gemeente lê. Daarom roep Paulus die gelowiges uit die Joodse gemeenskap en uit die heidense gemeenskap - wat nou saam in die gemeente van Efese is - op om dié Godgegewe eenheid jaloers te bewaar. Hierdie eenheid bestaan te midde van menslike verskille in ras, taal en kultuur. Daarom dui hierdie eenheid nie op eendersheid nie.

Die Heilige Gees gee 'n verskeidenheid van mense en gawes aan die gemeente om die gemeente te bou. Elke lidmaat se gawe en unieke bydrae moet egter op Christus gerig word, want Hy is ons vrede. Die Nagmaal wat ons vandag vier dui huis daarom dat Christus vrede tussen ons en

God bewerk, maar ook vrede met mekaar. Kom ons jaag dan hierdie vrede na met nederigheid, vriendelikheid en geduldige liefde!

Ontmoetingsdiens

Intreelied: Sb 15-1: 1 (almal), 2 (brs), 3(srs) , 4 (almal) ; Votum; Seëngroet; Loflied Ps 147-1: 1, 2, 5; Geloofsbelijdenis Sing Sb 12-2: 5

Verootmoedigingsdiens

Wet: fokus op 4 de gebod en Skrifgedeeltes oor eenheid en vrede; Lees Gal. 5: 13 - 16 en Kol. 3: 12 - 15; Sing Ps 130-2: 1, 2 ; Gebed.

Woorddiens

Skriflesing; Woordverkondiging

Sakramentbediening

Nagmaalsformulier (Calvyn); Sing nuwe Sb "Krag in brood en wyn" : 1, 2; Nagmaalbediening; Sing aan tafel Ps 116-1: 7, 10; Lofverheffing en gebed; Sing na die tafel Sb 7-2: 1, 2

Antwoorddiens

Liefdegawes; Sing Ps 133-2: 1, 2 ; Seën; Amen Sb 13-2

AANDDIENS: Ds Karel

Skriflesing: Jesaja 3 en 4

Teks: Jesaja 4:2 en 4

Tema: Christus verlos ons en die Gees maak ons heilig, wees dan `n stut en steunpilaar in hierdie wankelrige wêreld!

Vandag is nie net die laaste dag van ons fokustyd in die gemeente nie, maar dit is ook vandag `n dag van verootmoediging vir die GKSA. Op hierdie dag stel ons onsself voor die Here en ons kyk na onsself met die Here se Woord as rigtinggewer vir ons nuwe lewe. Wanneer ons dit doen, word ons eie sonde duidelik omdat ons huis dan besef dat elkeen van ons tot iets groots bestem en geroep is wat ons baie dikwels nie doen nie. Elkeen van ons het onder andere die opdrag ontvang om `n stem van regverdigheid in hierdie wêreld te wees, omdat Christus ons verlos het en die Heilige Gees in leef. Kom ons besef weer opnuut die wonder van hierdie voorreg en verantwoordelikheid!

Vooraf sang

Ps 137-1: 1, 3, 4 (Melodie van Sb. 18-6) en Ps 126-1: 1, 2, 3 (Tweede melodie)

Ontmoetingsdiens

Intreelied: Ps 139-1: 1, 7, 12; Votum; Seën; Lied van verootmoediging
Ps 143-2: 1, 2, 3

Woorddiens

Gebed, Skriflesing, Toe-eieningslied:
Ps 1-1: 1, 2, 3; Woordbediening

Antwoorddiens

Gebed; Liefdegawes; Gebed vir BNB ; Sing Ps 105-2: 1, 2, 3, 9; Seën; Amen
Sb 13-3

MEELEWING

- Botha van der Schyff (wyk 4 - 083 276 2187) se pa is steeds baie ernstig siek in die ISE van `n hospitaal in Bloemfontein.

- Lou Venter (wyk 6 - 082 566 5879) het die afgelope week `n oogoperasie ondergaan en moet die volgende weke `n baie streng herstelproses deurloop.
- June Kruger (wyk 22 – 082 853 1463) sukkel baie met haar knie en allerlei toetse word gedoen om vas te stel presies wat fout is. Sy beweeg baie moeilik.
- Johan Coetzee, ons koster (wyk 4 – 083 985 9465), was Maandag in `n ongeluk toe iemand hom met `n motor van sy motorfiets afgestamp het. Hy het sy knie en arm beseer.
- Pieter Bredenkamp (wyk 24 – 082 879 7507) moet Woensdag `n oogoperasie ondergaan en sterk nog steeds aan na sy rugoperasie.
- Thinus du Plessis (wyk 26 – 072 954 5650) het `n knie-operasie ondergaan en sterk tuis aan.
- Fourie Stavast (wyk 3 – 082 3349 192) van Herman en Wilna was in Medikliniek opgeneem vir toetse.
- Heelwat lidmate sukkel ook om te herstel na die wintergrip.

Ons bid dat die Here spoedig beterskap en herstel sal gee.

ONS DINK OOK AAN DIE VOLGENDE LIDMATE WAT SUKKEL MET SIEKTE OF SWAK GESONDHEID

Br Hennie vd Berg, sr Sannie Reyneke, sr Filina Coetsee, sr Marianne Kruger, sr Bettie Ras, sr Janet vd Walt, sr Nella Swanepoel, br Mannetjie Viviers en sr Henny Wijnberg.

Ons groet vanmore vir:

- Braam, Izette, Jonél en Marné Schouwstra wat met attestaat na Die Bult gemeente vertrek.

- Japie en Marietjie Venter wat met bewys van lidmaatskap vertrek na Midstream Familie Kerk.

Baie welkom terug aan:

- Anelle Strydom wat vir 10 maande in Taiwan gaan werk het.

ONDERSTEUNING VIR SIEKES

Vir ondersteuning of besoek deur die hospitaalbesoeke-diensgroep, skakel vir:

Anna Smith	082 765 9813
Marian de Kock	082 950 4358
Marique Reichel	082 657 4508
Annatjie Grobler	073 258 7833/ 018 290 9974

of e-pos siekies@oosdoppers.co.za

AFKONDIGINGS

Die volgende aktiwiteite vind DV hierdie week plaas:

Vandag

09:30 Gebedsgroep	
10:00 Oggenddiens	
Geen Kleuterbediening	
Geen Katkisasie	
Tee en koffie	
18:00 Aanddiens - Dag van verootmoediging	

Maandag

Geen Katkisasie	
18:30 Kassiere-kommissie	

Dinsdag

06:00 Manne Ondersteuningsgroep	
Geen Bediening na Buite vergadering	
18:00 Klassis Potchefstroom vergader in Promosa.	

Woensdag

Geen Katkisasie	
19:00 Bybelstudie: Klipdrif	
19:00 Beginpunt	

21 September tot 27 September
Belydenisklas uitreik na Botswana

BOTSWANA UITREIK

Baie dankie aan al die lidmate wat toerusting, voertuie en sleepwaens aangebied het vir ons belydenisklas se uitreik na D'Kar in Botswana komende week. Indien daar dalk lidmate is wat nog koekies of beskuit wil bydrae, kan u dit by ds Piet besorg. Ons vra ook u voorbidding vir 'n veilige reis en 'n geseënde uitreik vir ons katkisante. Albei predikantgesinne en Stefan en Marike Grobler neem die 7 kinders op hierdie uitreik. Dankie vir die oopoffering wat julle ook doen.

FACEBOOK

Ons herinner ons gemeente en jeug graag dat ons 'n "Facebook"blad het wat julle kan besoek. Gaan loer bietjie by <https://www.facebook.com/oosdoppers> en "like" ons bladsy.

VERJAARSDAE

Baie geluk aan almal wat DV dié week verjaar!

Sondag, 15 September

Br Simon du Plooy	082 453 8630
Jsr Handri vd Walt	084 677 2928

Maandag, 16 September

Sr Ria Robberts	082 444 7544
Br Sybrand vd Merwe	082 448 6977
Br Jorrie Jordaan (74)	082 375 7666

Dinsdag, 17 September

Br Marinus de Beer	083 655 0129
Jsr Esmari Rood	071 683 0102
Sr Lorette Bester	084 601 0224

Woensdag, 18 September

Br Tjaart Snyman (76)	083 543 0526
Br Martin Bester	082 569 0048
Sr Ena de Bruyn	084 444 5824

Donderdag, 19 September

Br Manie Steenberg	082 923 1297
Br Dup du Plessis	082 211 5011

Vrydag, 20 September

Br Wikus v Niekerk	082 824 1839
Sr Marike Grobler	082 520 1245
Sr Annelie Pheiffer	082 902 0972

Saterdag, 21 September

Br Dries Schutte	082 339 5547
------------------	--------------

ANDER AFKONDIGINGS

- Liefdegawe vanoggend vir Barmhartigheid.
- Gawe by die deure vanoggend vir die Voorsieningsfonds.
- Gawe volgende Sondag vir Streeksinode: Sustentasie.
- Vrywillige bydrae vir voertuigsekuriteit in die busses by deure, asb.
- Diensbeurte: Wyk 5 en 6.

KENNISGEWINGBORD

- GKSA Rivertoer vir die jeug te Frankfort Des 2013. Ideaal vir matrieks.
- Dopper Dinee van Geref Kerk Cachet - 17 Okt
- Boland Seekamp 5-9 Desember
- Een-man woonstel te huur: kontak Lou/Ina van Wyk
- Molen Korus Lentekonsert, Dinsdag 17 September - Gebou N1A

KERSMARK 2013

Moorivier Kersmark 2013 is om die draai! Die komitee is reeds hard besig om te beplan en te werk om hierdie jaar se kersmark 'n sukses te maak. Ons het egter elke gemeentelid se hulp nodig om 'n sukses van die kersmark te maak.

- Ons benodig nog mense wat kan help met **bemarking in buurdorpe**.

Indien jy gereeld in naby geleë dorpe kom, daar werk of kontakte het wat vir ons kan help met vensterplakkate vir advertensie,

kontak asb vir Adele in die kantoor 018 290 7690.

- Dan wil ons die jaar wafels en roomys op die restaurant se spyskaart voeg, maar ons benodig gewillige hande wat vooraf die wafels vir ons sal bak en vries. Indien jy hiermee kan help, kontak asb vir tannie Ina Jordaan.
- Ons herinner u dat ons baie afhanglik is van borge uit ons gemeente en dorp. Gesels met Anton Styger indien jy hier 'n bydrae wil maak of betrokke wil wees.
- Daar is reeds geskenkbewyse beskikbaar in die kerkkantoor indien jy iemand wil bederf!

Baie dankie dat ons altyd op ons gemeente se positiewe gesindheid en ondersteuning kan staatmaak!

Kersmark groete

ALMANAK 2014

Hierdie bekende publikasie van die GKSA met dagstukkies vir die hele jaar geskryf deur Gereformeerde predikante, is al 'n instelling in baie huishoudings. Dit bevat ook inligting van alle kerke in die GKSA en inligting oor kerke in die buitenland. Daar is 'n bestellys in die Skuur, skryf asb u naam daarop indien u 'n Almanak vir 2014 wil bestel. Die prys is R58-00. Bestellings sluit 25 Oktober 2013.

DIAKONIE KOSKAS

Baie dankie aan die Diakens en wyke 1-5 se ruim skenkings vir die koskas. Ons waardeer dit opreg!

KERKLIKE TYDSKRIFTE

Beskikbaar in die Skuur vir lidmate wat daarop ingeteken is.

DAG VAN VEROOTMOEDIGING: 15 SEPTEMBER 2013

Die Klassis Potchefstroom doen 'n oproep tot 'n dag van verootmoediging en gebed in die lig van die voortgaande dade van opstand, moord, aanranding, korruksie, bedrog en diefstal wat die openbare orde in gevaar stel.

- Hiermee word elke lidmaat opgeroep om hom of haarself voor God te verootmoedig en om vas te stel of daar nie in die eie lewe ongehoorsaamheid is waardeur wandaad verswyg, aangemoedig of gepleeg word nie en indien wel om deur die Gees van God te smeek om 'n lewensommekeer.
- Dat die Owerheid verseker word van elke gelowige se voorbidding om deur die mag aan hulle verleen met krag op te tree teen enige wandaad wat mag verhoed dat die inwoners van ons Vaderland 'n rustige en 'n stil lewe mag lei.
- Dat elke lidmaat versoek word om in alle aspekte van die lewe hulle te beywer vir die voortgang en uitbreiding van God se Koninkryk deur voorbeeld, woord en daad volgens die Woord van God .
- Dat elke lidmaat hom of haarself sal verdiep in persoonlike gemeenskap met God deur Skrifstudie en gebed.

Ons gemeente sal DV vanaand met ons erediens deelneem aan hierdie dag van verootmoediging.

ONDERSTEUNING AAN SWAZILAND UITREIK

Ons kleingroep neem 'n span mense 21-28 September na El Shaddai, 'n kinderhuis en sendinggemeente in Swaziland. El Shaddai het 'n baken geword vir die gemeenskap wat hulle omring en daar gaan van tyd tot tyd spanne wat gaan om El Shaddai se hande sterk te maak en ook geestelike

versterking te bring as gemeenskap van gelowiges.

Om dit moontlik te maak, benodig ons skenkings vir die kos van die span wat gaan. Indien iemand in hierdie verband ondersteuning wil bied, sal ons dit baie waardeer. Ons benodig:

1. Droë goed soos koffie, tee, suiker, cremora, pasta, rys ens.
2. Langlewemelk (boksiemelk)
3. Klaargemaakte disse wat ons kan vries (verkieslik in weggooibare houers). Disse soos bv. Macaroni en kaas, herderspastei, lasagne ens.

Enige finansiële bydraes wat kan help met brandstof ens. sal ook baie waardeer word. Kontak vir Banie van der Walt by 083 393 5875 of banievdwalt@gmail.com vir verdere inligting.

RAAK BETROKKE BY BEDIENING NA BUITE: VERFPROJEK SYFERFONTEIN

Ons Diakonie wil graag op Saterdag, 5 Oktober, van ons gemeente se jeug saamneem om saam met die lidmate van Syferfontein hulle nuut opgerigte geboutjie te gaan begin verf. Ons wil al ons hoërskoolkinders, kleingroepe of lidmate wat dalk wil saamgaan, uitnooi om op Saterdag, 5 Okt, vanaf 8:30 tot 12:00 saam te gaan en met 'n verfkwas diensbaar te wees. Ons sit 'n lys in die Skuur op en vra dat julle jul name daar sal gaan opskryf.

SENIOR-LIDMAAT DIENSGROEP

Die behoefté aan 'n Senior lidmaat diensgroep is in die tyd geïdentifiseer deur die gemeente.

Daar is 'n hele paar eensame en/of bedlêende seniors in ons gemeente. Indien jy voel die Here roep jou om op 'n gereë尔de basis (een keer 'n maand) by een van die bejaardes te kuier, Bybel te lees en saam te bid, skakel asseblief vir Marianne Fourie (072 276 2673 of 018 290 5396) om deel te word van die Senior Diensgroep.



TEESKINKGELEENTHEID

Tee word vandag bedien onder die leiding van Sr Wilma Viviers wyk 13, Sr Marianne Fourie, wyk 15 en Sr Shantell Andersen, wyk 20 en al die sisters van hierdie drie wyke. Baie dankie vir elke suster wat kom help met die skink en opwas!

TOKTOKKIE (fondsinsameling vir Cansa)

Baie dankie aan die wyksusters wat reeds hulle koeverte ingehandig het. Ons vra vriendelik dat die bydraes so gou as moontlik ingesamel word en die koeverte dan by Marianne Fourie of die kerkkantoor ingehandig word.

FOKUSTYD AFSLUITING EN GEMEENTE-ETE: BAIE DANKIE

Baie dankie aan al die groepe wat potjies gemaak het en die sisters wat vir ons reggestaan het met bykosse vir die heerlike Potjiekoeste gisteraand. Dit was 'n groot fees met 170 lidmate wat rondom 14 potjies lekker saam gekuier het en met mekaar hulle belewenisse van die afgelope 5 weke gedeel het.

BAIE DANKIE AAN ONS BORG VAN DIE WEEK!



KWALITEIT – BETROUBAARHEID - ONDERSTEUNING

WATER IS LEWE...DINK VOOR JY DRINK!

Ons dien die gemeenskap met:

- Wye reeks TRU-OSMOSE-suiweraars
- Hoogstaande kundigheid en eerlike advies;
- Slegs KLAS A produkte en onderdele.

Suiwer water ook by ons waterwinkel
(langs KFC) Retiefstraat, Potchefstroom.

Vir sorgvrye gebruik en nasorg,
skakel Pieter Bredenkamp 082 8797 507